



Komisija za spomenike Gradskog vijeća

Broj: 04-GV-02-1940-4/17

Datum: 13.12.2017. godine

Komisija za spomenike Gradskog vijeća Grada Sarajeva, na Devetoj sjednici održanoj 13.12.2017. godine, u funkciji pripreme za 10. sjednicu Gradskog vijeća Grada Sarajeva, razmatrala je:

4. Prijedlog Budžeta Grada Sarajeva za 2018. godinu

i podnosi Gradskom vijeću Grada Sarajeva sljedeći:

IZVJEŠTAJ

TAČKA 5.

Prijedlog Budžeta Grada Sarajeva za 2018. godinu

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:


1. Komisija za spomenike sugerira Gradskom vijeću da razmatra i usvoji Budžet Grada Sarajeva za 2018. godinu kako je predložen, uz uvažavanje sljedećeg zaključka.
2. Komisija za spomenike predlaže da se u Budžet Grada Sarajeva za 2018. godinu uvrsti stavka na kojoj će se planirati sredstva za održavanje spomenika od značaja za Grad Sarajevo i izgradnju spomenika za koje je Gradsko vijeće uputilo inicijative Gradonačelniku, i to tako da se umani iznos predložen na stavci Održavanje komunalnih objekata u visini od 300.000,00 KM, za 100.000,00 KM, a da se ova sredstva planiraju na posebnoj stavci, za provođenje Odluke o spomenicima od značaja za Grad Sarajevo i to u visini od 100.000,00 KM.
Obrazloženje je sadržano u važećem gradskom propisu i u inicijativama Gradskog vijeća za podizanje spomenika upućenim Gradonačelniku.
3. Ukoliko Gradonačelnik ne prihvati prijedlog iz zaključka broj 2, prijedlog postaje amandman na Prijedlog Budžeta Grada Sarajeva za 2018. godinu i upućuje se Gradskom vijeću na razmatranje.

PREDSJEDAVALJUĆI KOMISIJE

Enes Husejnović, s.r.

Toni Vukadin, gradski vijećnik
Vedad Deljković, gradski vijećnik

Grad Sarajevo
Gradsko vijeće



Na osnovu člana 116. i člana 124. Poslovnika o radu Gradskog vijeća Grada Sarajeva, imenovani gradski vijećnici podnose sljedeći:

AMANDMAN

na Prijedlog Budžeta Grada Sarajevo za 2018. godinu

U članu 2. Prijedloga Budžeta Grada Sarajeva za 2018. godinu, na razdjelu: Gradska uprava izdaci, u djelu „tekući grantovi neprofitnim organizacijama“ – konto 614300 dodaje se nova alineja 38. „FK Sarajevo i FK Željezničar – omladinski pogon“ i za ovu namjenu planira se iznos od 40.000,00 KM.

U članu 2. Prijedloga Budžeta Grada Sarajeva za 2018. godinu, na razdjelu: Gradska uprava – izdaci, u djelu „kaptalna ulaganja“ – konto 821100 a koji se odnosi na nabavku motornih vozila iznos planiran u visini od 120.000,00 KM, mjenja se i glasi 80.000,00 KM ili sa neke druge pozicije za koju predlagač smatra da je prihvatljivije.

Obrazloženje

Fudbalski klubovi Sarajevo i Željezničar su najprepoznatljiviji i najpoznatiji fudbalski klubovi Sarajeva i Bosne i Hercegovine. Kroz historiju su dali veliki broj legendi Sarajeva kao što su Asim Ferhatović, Ivica Osim, Safet Sušić, Mehmed Baždarević i mnogi drugi.

Najbolji djelovi tih klubova su neosporno omladinski pogoni koji ove godine ostvaruju izuzetno zapažene rezultate.

Naime, U19 tim FK „Željezničar“ Sarajevo se plasirao u završnu fazu omladinske lige prvaka gdje će snage odmjeriti sa jednim od najpoznatijih evropskih klubova FC „Atletico“ Madrid što je najveći uspjeh jednog omladinskog pogona iz BiH u fudbalu ikad.

Tri selekcije FK „Sarajevo“, i to U15, U17 i U19 trenutno zauzimaju vodeće pozicije u omladinskim ligama BiH i predstavljaju budućnost našeg fudbala.

Iako su predložena sredstva od 40.000,00 KM (oba kluba po 20.000,00) simbolična smatramo da ovim mladim momcima na ovaj način možemo obezbjediti odgovarajuće pripreme kako bi predstavljali Sarajevo uspješno kao i do sada.

U Sarajevu, 13. 12. 2017. godine

Toni Vukadin

Vedad Deljković

Handwritten signatures of Toni Vukadin and Vedad Deljković. The signature of Toni Vukadin is a stylized, angular scribble. The signature of Vedad Deljković is written in a cursive script.



Demokratska fronta
 Klub vijećnika „Demokratska fronta“
 Gradskog vijeća Grada Sarajeva
 Snežana Omukić, vijećnica

Grad Sarajevo
 Gradsko vijeće Grada Sarajeva
 Predsjedavajući, Igor Gavrić n/r

Na osnovu člana 124., a u vezi člana 116. Poslovnika Gradskog vijeća Grada Sarajeva, Snežana Omukić, vijećnica dostavlja:

A M A N D M A N

Na Prijedlog Budžeta Grada Sarajeva za 2018. godinu

Uvodi se nova pozicija:

- na ekonomskom kodu 614400 – Tekući grantovi javnim preduzećima i ustanovama
- pod nazivom – Nabavka aparata za hemodijalizu za potrebe KCUS
- u iznosu KM 23.000,00

Finansiranje:

- Potrebna finansijska sredstva za nabavku aparata obezbjediti iz sredstava Tekuće rezerve Budžeta Grada Sarajeva za 2018. godinu ili sa neke druge pozicije u skladu sa procjenom Službe za finansije Grada Sarajeva.

Obrazloženje:

Tražim da se u Prijedlog Budžeta Grada Sarajeva za 2018. godinu uvrsti nabavka aparata za hemodijalizu za potrebe KCUS. Za ovo je potrebno izdvojiti KM 23.000,00

Sadašnji aparati koji su u upotrebi, su dotrajali, neispravni i nekvalitetni, te su već davno ispunili uslove za otpis. Cilj njihove zamjene novim aparatima je podizanje kvalitete liječenja dijaliznih pacijenata.

U kontaktu sa predsjednicom Udruženja dijaliznih i transplantiranih pacijenata Kantona Sarajevo-UDIT KS, dobila sam informaciju o modelima aparat koji su poželjni za nabavku, a to su:

- Aparat za hemodijalizu Fresenius 5008S (M201211) cijena cca KM 23.000 sa PDV
- Aparat za hemodijalizu SURDIAL-X2-HDF SX 2Type C cijenacca KM 23.000 sa PDV

Sarajevo, 15.12.2017.

Snežana Omukić s/r



DEMOKRATSKA FRONTA
 Klub vijećnika Demokratska fronta Gradskog vijeća Grada Sarajeva

LANA VELIĆ
 Klub Demokratske fronte

Grad Sarajevo
 Gradsko vijeće Grada Sarajeva
 Predsjedavajući, Igor Gavrić n/r

PREDMET: AMANDMANI NA PRIJEDLOG BUDŽETA GRADA SARAJEVO ZA 2018.GODINU

Poštovana/i,

Na osnovu člana 124. a u vezi sa članom 116. Poslovnika Gradskog vijeća Grada Sarajeva, dostavljam amandmane na Prijedlog budžeta Grada Sarajevo za 2018.godinu

AMANDMAN I

Uvodi se nova pozicija u odjeljku Ugovorene usluge (ekonomski kod - 613900) pod nazivom **Nabavka državnih zastavica** u iznosu od 7.000,00 KM.

Sredstva se obezbjeđuju umanjnjem izdvajanja sa pozicije **Pokloni Grada Sarajeva (vrećice, knjige, cvijeće i CD i sl.)** u iznosu od 7.000,00 KM

Obrazloženje:

Uzimajući u obzir protokolarne aktivnosti za obilježavanja datuma i događaja značajnih za Grad Sarajevo, nivo funkcionera koji posjećuju Grad Sarajevo te da je Grad Sarajevo domaćin brojnim gradonačelnicima i delegacijama pobratimskih i prijateljskih gradova, kao i predstavnicima domaćih i međunarodnih institucija, te organizator brojnih domaćih i međunarodnih događaja, potrebno je da se osigura dostojno predstavljanje glavnog grada države Bosne i Hercegovine. U svim gore navedenim situacijama, dosadašnja praksa postavljanja državnih zastavica na nekoliko određenih mjesta nije dostojno predstavljanje jednog glavnog grada. Nabavkom veće količine državnih zastavica za postavljanje na svim već određenim mjestima povodom bitnih datuma i događaja, mogu se ispuniti težnje Grada Sarajeva da se predstavi dostojno kako domaćim i stranim gostima, tako i građanima koji žive u glavnom gradu Bosne i Hercegovine.

AMANDMAN II

Uvodi se nova pozicija u TEKUĆI GRANTOVI DRUGIM NIVOIMA u odjeljku **Projekti u oblasti kulture** (ekonomski kod - 614100) pod nazivom **Sufinansiranje programskih i projektnih aktivnosti KUD Bašćaršija** u iznosu od 10.000,00 KM.

Sredstva se obezbjeđuju umanjnjem izdvajanja sa pozicije GRANTOVI NEPROFITNIM ORGANIZACIJAMA (ekonomski kod - 614300) u odjeljku **Grantovi za nepredvidene izdatke** u iznosu od 10.000,00 KM.

Obrazloženje:

Kulturno-umjetničko društvo „Bašćaršija“ od 1994. godine nastavlja tradiciju KUD „Miljenko Cvitković“ koje je osnovano 18.01.1947. godine.

Realizacijom projekata i aktivnosti KUD „Bašćaršija“ doprinosi razvoju lokalne zajednice, kulturnih institucija na načelima amaterizma, boljoj kvaliteti života svih građana Sarajeva, promociji Grada Sarajevo kao glavnog grada, zaštiti i očuvanju kulturne baštine Bosne i Hercegovine i Grada Sarajevo i kao takvo treba da ima i podršku.

Društvo uspješno prezentuje naš grad i državu širom bivše Jugoslavije, velikom broju evropskih zemalja i nekim u Aziji i Africi. Društvo je odlikovano brojnim znamenjima: Šestoaprilaska nagrada grada Sarajeva, Prvomajska nagrada, Orden bratstva i jedinstva sa srebrenim vijencem, Priznanje općine Stari Grad i mnoga druga priznanja i pohvale, a iz inostranstva donose pobjedničke, zlatne i srebrene trofeje i diplome sa priznatih festivala iz Francuske, Italije, Švajcarske, Turske, Hrvatske, Njemačke, Mađarske i dr. Svoje djelovanje i aktivnosti od 1964. godine obavlja u svojim vlastitim prostorijama, blizu Bašćaršije, jezgru materijalne i duhovne kulture grada Sarajeva i Bosne i Hercegovine. Kao jedino društvo u Općini Stari Grad, 1994. godine uzima karakteristično i prepoznatljivo ime “Bašćaršija”.Široka je lepeza djelovanja ovog društva tokom njegovog sedamdesetogodišnjeg trajanja i uvijek je uokvirena visokim umjetničkim dometima.

AMANDMAN III

Pozicioniranje i opredjeljenje sredstava za realizaciju projekta izrada idejnog rješenja izgradnje spomen ploče za ubijene građane Sarajeva na Kazanima u odjeljku KAPITALNI GRANT (ekonomski kod - 615100) **5.000,00 KM**

Obrazloženje:

Na Osmoj sjednici Gradskog vijeća Grada Sarajeva, održanoj 25.10.2017. godine postavila sam vijećničko pitanje u kojoj fazi se nalazi realizacija odluke Gradskog vijeća iz prethodnog mandata a u vezi sa izradom idejnog rješenja izgradnje spomen ploče za ubijene građane Sarajeva na Kazanima, i na kojoj poziciji se nalaze sredstva koja je Potpredsjednik Federacije BiH Svetozar Pudarić, u prethodnom mandatu odlukom br. 03-14—3.2A- 521-2/12 od 31.12.2012. godine uplatio Gradu Sarajevo u ukupnom iznos od 5.000,00 KM . Obzirom da nisam dobila odgovor na pitanje te da je od uplate novčanih sredstava već prošlo dosta vremena, amandmanski tražim da se ova sredstva pozicioniraju i opredjele u Prijedlogu budžeta Grada Sarajevo za 2018.godinu.


Sarajevo, 15.12.2017. godine

Gradska vijećnica
Lana Velić



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Sarajevo, 18.12.2017.



NAŠA STRANKA
KLUB GRADSKIH VIJEĆNIKA NAŠE STRANKE

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
GRAD SARAJEVO
N/r Gradonačelnika grada Sarajeva
N/r Predsjedavajući Gradskog vijeća Grada Sarajeva

PREDMET: AMANDMANI NA PRIJEDLOG BUDŽETA GRADA SARAJEVO ZA 2018. GODINU

Poštovani,

Na osnovu člana 116. i 124. Poslovnika Gradskog vijeća Grada Sarajeva, kao gradski vijećnik, a u ime Kluba gradskih vijećnika Naše stranke, predlažem slijedeće amandmane na Prijedlog Budžeta Grada Sarajeva za 2018. godinu:

Amandman I

U Prijedlogu Budžeta Grada Sarajeva za 2018. godinu, otvara se nova budžetska stavka "**Humanitarna organizacija studenata 'Ruku na srce' – podrška projektu *Nijedno dijete bez paketića***" u iznosu od **5.000,00 KM**, a nedostajuća razlika se osigurava tako da se za taj iznos umanjuje iznos planiran na razdjelu "Grad Sarajevo", Drugi tekući rashodi konto 614800- tako da se predloženi iznos umanjuje za 5.000,00 KM.

Obrazloženje:

Tražimo formiranje fonda za humanitarnu organizaciju „Ruku na srce“ za projekat dodjele paketića djeci iz socijalno ugroženih porodica pod nazivom „ **Nijedno dijete bez paketića**“.Projekat se realizuje već šest godina te iz godine u godinu raste. Prve godine pripremili su 260 paketića za najmlađe, prethodne 850, a već 2016. godine došli su do brojke

od 1600 novogodišnjih paketića. To je rezultat velikog truda i rada svih njihovih volontera na koje trebamo biti izuzetno ponosni, jer nesebično izdvajaju svoje slobodno vrijeme zbog dobrobiti drugih. Organizacija „Ruku na srce,, je svojim radom pokazala ozbiljnost i iskrene namjere za podršku svim socijalno ugroženim porodicama u gradu Sarajevu, stoga smatramo da ih i Grad treba podržati izdvajanjem novčanih sredstava za realizaciju iznad opisanog projekta.

Amandman II

U Prijedlogu Budžeta Grada Sarajeva za 2018. godinu otvara se nova budžetska stavka **"Grant Akademiji Fudbalskog kluba Sarajevo" u iznosu od 30.000,00 KM**, nedostajuća razlika se osigurava tako da se za taj iznos umanjuje iznos planiran na razdjelu "Grad Sarajevo", Ugovorene usluge - konto 613900 - tako da se predloženi iznos umanjuje za 30.000,00 KM.

Obrazloženje:

Zbog rezultata koje bilježi Akademija fudbalskog kluba Sarajevo, kao i potrebe za daljom izgradnjom Kampa (kojisve češće za svoje potrebe koristi i nogometna reprezentacija BiH), te velikog broja uspješne djece koja ju pohađa, tražimo da Grad Sarajevo podrži rad ove fudbalske akademije iznosom od 30.000 KM. S obzirom na to da je Grad Sarajevo prošle godine izdvojio sredstva u iznosu od 50.000 KM za projekat „Evropska Grbavica“, te planirao u ovoj godini izdvojiti još 200.000 KM za projekat Južne tribine, što je zaista pohvalno, smatramo da je jako važno nastaviti kontinuiran vid podrške najuspješnijim sportskim kolektivima grada Sarajeva. Sve to će na kraju doprinjeti i boljoj promociji samoga grada Sarajeva.

Amandman III

U Prijedlogu Budžeta Grada Sarajeva za 2018. godinu otvara se nova budžetska stavka **"Grant JU Biblioteka grada Sarajeva " u iznosu od 10.000,00 KM**, nedostajuća razlika se osigurava tako da se za taj iznos umanjuje iznos planiran na razdjelu "Grad Sarajevo", Drugi tekući rashodi konto 614800 - tako da se predloženi iznos umanjuje za 10.000,00 KM.

Obrazloženje:

Predlažemo da se podrži nabavka dodatnog knjižnog fonda JU Biblioteka Grada Sarajeva. Jasno je da veliki broj učenika nema pristup pojedinim knjigama koje su obavezna lektira u školama. Stoga, tražimo od Grada da finansira nabavku naslova lektira koje se nalaze u školskim programima u KS, kao i da podrži nabavku dodatnih naslova na engleskom jeziku te da se na ovaj način obogati knjižni fond gradskih biblioteka.

Amandman IV

U Prijedlogu Budžeta Grada Sarajeva za 2018. godinu otvara se nova budžetska stavka **"Zamjena info panoa koji se nalazi na mostu Skenderija za turistički info terminal (touch screen)" u iznosu od 20.000,00 KM**, a nedostajuća razlika se osigurava tako da se za taj iznos umanjuje iznos koji se planira na razdjelu "Grad Sarajevo", Ugovorene usluge - ekonomski kod 613900 - tako da se predloženi iznos umanjuje za 20.000,00 KM

Obrazloženje:

Umjesto info panoa koji se nalazi na mostu Skenderija, tražimo postavljanje turističkog informativnog terminala, koji bi imao touch screen, putem kojeg će turisti i građani biti u mogućnosti dobiti sve informacije o gradu Sarajevu, njegovoj turističkoj ponudi i redovima vožnje javnog gradskog saobraćaja na jednom mjestu na bosanskom i engleskom jeziku.

Amandman V

U Prijedlogu Budžeta Grada Sarajeva za 2018. godinu otvara se nova budžetska stavka **"Realizacija inicijative postavljanja spomenika Dariju Džamonji i Kemal Montenu i uređenje parka" u iznosu od 30.000 KM**, a nedostajuća razlika se osigurava tako da se za taj iznos umanjuje iznos koji se planira na razdjelu "Grad Sarajevo", Ugovorene usluge - ekonomski kod 613900 - tako da se predloženi iznos umanjuje za 30.000,00 KM

Obrazloženje:

Rebalansom Budžeta za 2017. godinu izdvojena su početna sredstva za realizaciju inicijative postavljanja spomenika Dariju Džamonji i Kemal Montenu u parku kod FIS-a te rekonstrukciji spomenutog parka. Naime, na Četvrtoj sjednici Gradskog vijeća, održanoj 31.05.2017. godine, vijećnik Nihad Uk podnio je ovu inicijativu koja je jednoglasno usvojena. Obzirom da sredstva koja su obezbjeđena rebalansom nisu korištena jer nije pokrenut projekat, u budžetu za 2018 godinu tih sredstava nema, te stoga tražimo da se u budžet za 2018. godinu planiraju sredstva u iznosu od 30.000,00 KM.

Amandman VI

U Prijedlogu Budžeta Grada Sarajeva za 2018. godinu otvara se nova budžetska stavka **"Podrška razvoju i popularizaciji ženskog sporta u gradu Sarajevu" u iznosu od 30.000 KM**, a nedostajuća razlika se osigurava tako da se za taj iznos umanjuje iznos koji se planira na razdjelu "Grad Sarajevo", Putni troškovi, konto 613100 - tako da se predloženi iznos umanjuje za 30.000,00 KM

Obrazloženje:

Uzimajući u obzir činjenicu da je ženski sport u našem gradu relativno nerazvijen, što je usko povezano s nedostatkom adekvatne novčane podrške različitih nivoa vlasti razvoju i popularizaciji ženskog sporta, smatramo da bi ovim rebalansom Budžeta trebala biti predviđena sredstva upravo za podršku ženskim sportskim kolektivima, ali i pojedinim sportistkinjama individualno. Sredstva bi se dodijelila na osnovu uslova javnog poziva, definisanih odlukom koju bi donijelo Gradsko vijeće.

Amandman VII

U Prijedlogu Budžeta Grada Sarajeva za 2018. godinu, na stavi "**Realizacija inicijative za podizanje spomenika ubijenim građanima Sarajeva 1992. - 1995.**" potrebno je planirati iznos od 20.000.00 KM, a nedostajuća razlika se osigurava tako da se za taj iznos umanjuje stavkana razdjelu "Grad Sarajevo", Ugovorene usluge ekonomski kod 613900 - tako da se planirani iznos umanjuje za 20.000.00 KM

Obrazloženje:

Navedena inicijativa upućena je i predviđena Budžetom Grada još u prethodnom mandatu Gradskog vijeća Grada Sarajeva, ali od tada nije realizirana, a sada u Prijedlogu Budžeta nije planirano finansiranje njene realizacije nikako. Također, prošlogodišnjim Programom rada Gradskog vijeća, planirano je razmatranje ove tačke u martu mjesecu, ali ni to nikada nije realizirano. Također, u programu rada za 2018. godinu ova tačka je planirana, te stoga predlažemo vraćanje ove budžetske stavke i njenu realizaciju u narednoj godini, po svim predviđenim procedurama.

Amandman VIII

U Prijedlogu Budžeta Grada Sarajeva za 2018. godinu u dijelu „Grantovi neprofitnim organizacijam“ - konto 614300, pod rednim brojem 1. **Primjena Odluke o utvrđivanju sufinansiranja kulturnih manifestacija od posebnog interesa za grad Sarajevo, planirani iznos se mijenja tako da glasi 90.000,00 KM**, a nedostajuća razlika se osigurava tako da se umanjuje stavka na razdjelu "Grad Sarajevo", Putni troškovi ekonomski kod 613100 - tako da se planirani iznos umanjuje za 40.000.00 KM

Obrazloženje:

Naša stranka smatra da je Odluku o utvrđivanju sufinansiranja kulturnih manifestacija od posebnog interesa za Grad Sarajevo obavezno potrebno vratiti u sistem finansiranja iz Budžeta Grada Sarajeva, s obzirom na značaj manifestacija. S obzirom na broj manifestacija od posebnog značaja za Grad Sarajevo, te njihove važnosti, smatramo da je navedenu stavku potrebno finansirati u većem iznosu od predviđene.

Amandman IX

U prijedlogu Budžeta Grada Sarajeva za 2018. godinu, potrebno je otvoriti novu Buždetsku stavku " **Izrada idejnog projekta za postavljanje spomenika na mostu Suade Dilberović i Olge Sučić za Boška i Admiru**" u iznosu od **10.000,00 KM**, a nedostajuća razlika se osigurava tako da se za taj iznos umanjuje iznos koji se planira u razdjelu "Grad Sarajevo" Drugi tekući rashodi ekonomski kod 614800 - tako da se predloženi iznos umanjuje za 10.000,00 KM.

Obrazloženje:

Admira Ismić i Boško Brkić ubijeni su snajperskim hicima 18. maja 1993. na Vrbanja mostu dok su pokušavali napustiti opkoljeno Sarajevo i pobjeći od strahota rata. Priča o simbolu iskrene ljubavi koje se "stavljaju ispred zastava" - kako pjeva grupa Zabranjeno pušenje, priča o sarajevskim Romeu i Juliji, prizor mrtvih tijela Admire i Boška, kako zagrljeni leže na sarajevskom mostu koji je grad dijelio na dva dijela obišla je svijet. I kao simbol Sarajeva smatramo da treba da imaju svoj spomenik. O njihovoj ljubavi i stradanju pisali su mnogi novinari, snimali dokumentarne filmove, snimali pjesme, čak i opera, tako da smatramo da Grad Sarajevo treba da ima spomenik na Vrbanja mostu.

Amandman X

U prijedlogu Budžeta Grada Sarajeva za 2018. godinu, potrebno je planirati novu Budžetsku stavku " **Sufinansiranje rekonstrukcije slapova/kaskada u koritu rijeke Miljacke**" u iznosu od 150.000,00 KM, a nedostajuća razlika se osigurava tako da se za taj iznos umanjuje za:

- iznos koji se planira u razdjelu "Grad Sarajevo", Motorna vozila ekonomski kod 821000 - tako da e predloženi iznos umanjuje za 40.000.00 KM
- iznos koji se planira narazdjelu "Grantovi neprofitnim organizacijama", tačka 33. Grant za finansiranje parlamentarnih grupa, ekonomski kod 614300 - tako da se predloženi iznos umanjuje za 40.000,00 KM
- iznos koji se planira na razdjelu "Grad Sarajevo", Ugovorene usluge ekonomski kod 613900 tako da se planirani iznos umanjuje za 20.000.00 KM
- iznos koji se planira na razdjelu "Izdaci za nabavku stalnih sredstava, kompjuterska oprema" ekonomski kod 821000 tako da se planirani iznos umanjuje za 50.000.00 KM

Obrazloženje:

S obzirom da je korito rijeke u nadležnosti Grada Sarajeva, a da smo svjedoci tragičnih slučajeva koji se u posljednjim godinama dešavaju u nabujaloj Miljacki, a uzrokovani nepravilno konstruisanim slapovima sredinom 60tih godina prošlog vijeka, koji su u međuvremenu dodatno oštećeni, predlažemo da se uvrsti ova budžetska stavka kao dio ukupnih sredstava kojim bi se zajedno sa Kantonom i gradskim općinama finansirala rekonstrukcija i rješavanje navedenog problema.

Amandman XI

U prijedlogu Budžeta Grada Sarajeva za 2018. godinu, potrebno je planirati novu Budžetsku stavku **"Ograđivanje obalnog dijela korita rijeke Miljacke"** u iznosu od 50.000,00 KM, a nedostajuća razlika se osigurava tako da se za taj iznos umanjuje iznos koji se planira u razdjelu "Grantovi neprofitnim organizacijama", tačka 33. Grant za finansiranje parlamentarnih grupa, ekonomski kod 614300 - tako da se predloženi iznos umanjuje za 50.000,00 KM

Obrazloženje:

Obrazloženje je jednako kao i za prethodni amandman. Potrebno je planirati navedeni iznos kako bi se ogradio obalni dio korita rijeke Miljacke na mjestima gdje postoji opasnost da dođe do tragičnih ishoda.

Amandman XII

U Prijedlogu Budžeta Grada Sarajeva za 2018. godinu u dijelu „Tekući grantovi javnim preduzećima i ustanovama“ - konto 614400, pod rednim brojem 22. **"Projekat "Roditeljska kuća" Sarajevo, sredstva za funkcionisanje i nastavak rada objekta - udruženje srca za djecu koja boluju od raka u FBiH"**, planirani iznos se mijenja tako da glasi **20.000.00 KM**, a nedostajuća razlika se osigurava tako da se umanjuje stavka na razdjelu "Grad Sarajevo", Drugi tekući rashodi ekonomski kod 614800 - tako da se planirani iznos umanjuje za 10.000.00 KM

Obrazloženje:

Udruženje „Srce za djecu koja boluju od raka u FBiH“ započelo je sa projektom Roditeljska kuća još 2011.godine, kad je na manifestaciji povodom obilježavanja Medjunarodnog dana djece oboljele i liječene od raka, predstavljen idejni projekat Roditeljska kuća. Nakon mnogobrojnih prepreka, Udruženje je uspjelo da riješi administrativne obaveze i u martu 2014. godine je započela izgradnja objekta, koji je potom svečano otvoren 26. aprila 2016. godine, na lokaciji Betanija bb, u krugu Pedijatrijske klinike KCUS-a, uz pomoć prijatelja djece oboljele od raka i zahvaljujući raznim donatorima koji su prepoznali veliki značaj ovog projekta. Tako je BiH je dobila svoju prvu Roditeljsku kuću koja predstavlja trajno dobro od koje će koristiti imati oboljela djeca i njihovi roditelji, medicinsko osoblje i šira društvena zajednica. Trenutno finansiranje rada Roditeljske kuće nije sistemski riješeno, a godišnji troškovi njenog nesmetanog funkcionisanja iznose 150.000 KM. Grad Sarajevo je jedan od donatora koji sufinansiraju i pomažu rad Roditeljske kuće, međutim uzimajući u obzir iznad opisani značaj ovog projekta te potrebu da se on što bolje realizuje, mišljenja smo da planirani iznos pod ovom stavkom Budžeta treba udvostručiti.

Amandman XIII

U prijedlogu Budžeta Grada Sarajeva za 2018. godinu, potrebno je planirati novu Budžetsku stavku "**Grant Muzeju ratnog djetinjstva**" u iznosu od 20.000,00 KM, a nedostajuća razlika se osigurava tako da se za taj iznos umanjuje iznos koji se planira u razdjelu "Grad Sarajevo", Ugovorene usluge - konto 613900 - tako da se predloženi iznos umanjuje za 20.000,00 KM.

Obrazloženje:

Muzej ratnog djetinjstva (War Childhood Museum) otvoren je u Sarajevu u januaru 2017. godine. U njemu je predstavljena kolekcija ličnih predmeta, priča, audio i video svjedočenja, fotografija, pisama, crteža i drugih dokumenata koji dočaravaju jedinstveno iskustvo odrastanja u ratu. Nedavno je upravo ovaj muzej osvojio prestižnu **Muzejsku nagradu Vijeća Evrope za 2018. godinu**, koja se dodjeljuje u sklopu manifestacije "Evropski muzej godine". To je ujedno i prvi put, u historiji dugoj 40 godina, da ovu nagradu dobija neki muzej iz našeg šireg regiona. Uzimajući u obzir to da Muzej ratnog djetinjstva, od svog otvaranja do danas, sa izuzetkom Općine Stari Grad, nije naišao na gotovo nikakvu podršku vlasti (federalno Ministarstvo kulture i sporta ocijenilo je da se ne radi o projektu od internacionalnog značaja, dok je iznad pomenuta nagrada dokazala upravo suprotno), smatramo prikladnim da se iz Budžeta Grada Sarajeva izdvoji novčani iznos koji bi pomogao radu Muzeja i daljem razvoju projekta.


Amandman XIV

U prijedlogu Budžeta Grada Sarajeva za 2018. godinu, potrebno je planirati novu Budžetsku stavku "**Izrada online turističkog vodiča Grada Sarajeva**" u iznosu od 10.000,00 KM, a nedostajuća razlika se osigurava tako da se za taj iznos umanjuje iznos koji se planira u razdjelu "Grantovi neprofitnim organizacijama", tačka 33. Grant za finansiranje parlamentarnih grupa, ekonomski kod 614300 - tako da se predloženi iznos umanjuje za 10.000,00 KM

Obrazloženje:

Predlažemo izradu online turističkog vodiča Grada Sarajeva, u koji bi bili uključeni svi turistički i historijski objekti od turističkog značaja. Zbog sve većeg broja turista koji dolaze u grad Sarajevo, stvara se potrebna kreiranja kvalitetnog sadržaja i programa, a da bi omogućili turistima lakše kretanje i pristup lokacijama od turističkog značaja, potrebno je pristupiti kreiranju online turističkog vodiča, sa istaknutom mapom grada i naznačenim lokacijama, koji bi mogao funkcionirati i izvan mreže.

S poštovanjem,



Klub gradskih vijećnika Naše stranke